

海陽縣志卷二十六

古蹟略一 城址 署宅 園林名蹟附

海陽故城在海陽東

大清一統志

南濱大海故曰海陽

元和郡縣志

南越志

云縣南十二里即大海

寰宇記

潮陽圖經云州治舊在鴨湖

輿地紀勝

謹案已上皆阮通志所引舊文而張志云海陽山去城北二

十里南望大洋晉建縣於山麓故以名縣鄭昌時韓江聞見

錄因據此稱海陽故城在今龜湖距今縣治東北二三十里

元和郡縣志官鄆湖在縣東南二十里出名龜湖似因此得名然與今龜湖在縣東北不合姑附識於此 中有

彩鳳嶺即海陽山蓋以縣地今無鴨湖故以龜湖當之又以

彩鳳嶺當海陽山傳合縣志建縣山麓之說然核今地勢由

海陽縣志

卷二十六

古蹟略一

一

彩鳳嶺南望鳳棲赤嶺重巒障隔未嘗瀕海也地距海百里

而近不止十二里也李吉甫元和志撰於唐沈懷遠南越志

撰於宋

南越志有二此外尚有陳承韜撰見鄭樵通志略然王應麟玉海載沈志專紀三代至晉疆域則寰宇所

引為沈志無疑

當時紀載未必無稽今千百年後陵谷變遷既不能

脗合圖經亦未便以疑名附會不若姑沿舊文尚不失蓋闕

之義爾

海陽縣署舊在海陽山右宋時遷華萼坊今廢

張志

唐刺史堂故址在郡北金山麓元為總管府明初為衛署後為知

府廨今總兵署即其地

同上

宋司理廢署今不知所在

阮志 劉克莊潮州司理廳記友人李良翁南宮嘗為余言其所親趙君若珏

之賢且才其尉東陽上官爭欲出我門下再轉為潮之理椽郡參
佐邑丞簿尉官廨皆堅好惟理廨乃開禧老屋上漏下溼一甲子
無葺者君始至歎曰卑官求一身一家便安奈何無一榻地奉吾
親乎顧頹敝已甚無一椽寸瓦可用決於心白於長監郡鄒君兼
行守事助錢二十萬君請借三月俸於是獄及廨由寢及堂皆
撤而新之而請記於余予謂官不必高土木之工不必鉅麗紀其
可紀者而已古今為人記輪奐之役者多矣惟藍田丞廳一記埽
空萬古夫丞廨不高於滕閣不大於漏院而使人傳誦其記與王
勃黃州之文相頡頏於千載後之覽者將有感於斯文耶初陽巖
洪公嘗歷是官君扁其東偏日景陽自洛學訓景為大訓行為路
文忠真公為之改字而天下之景皆為希矣然孝經序扁日景陽更
哲則唐人猶未以景行為大路也今姑從孝經序扁日景陽君更
與洪君商
推如何

元錄事司廢址即今海陽署

周志

察院廢行署在城內東隅明成化十年設

金志

布政分司廢行署在縣治北

黃志

海陽縣志

卷二十六

古蹟略一

一一

分巡道舊行署在城內金山前後併為分守道行署

金志

嶺東道行署在澄清坊

黃志

海防同知舊署在府署西康熙二十四年移寶善坊分巡道舊署

後建縣倉

周志參
郝志

理刑推官廢署在府署右

金志

海防外署在彙征坊今圯

張志

清軍外署在宣召坊今圯

督捕外署在寶善坊今圯

督糧外署在華萼坊明末圯後為邵巡道生祠

理刑外署在彙征坊舊總兵署左今圯

俱同上

照磨所廢署在府署東

郝志

總兵舊署在郡治里仁坊岳伯亭

周志

參將舊署一在城東隅一在陽明祠右俱圯

張志

縣丞舊署一在縣署左一在庵埠鎮

楓洋巡檢故署在歸仁都明洪武初遷南桂都嘉靖末廢

俱同上

潘田巡檢廢署在豐政都

今隸豐順郝志

西津驛在縣西六里

元和郡縣志

鹽亭驛在近海百里百姓煮海為鹽遠近取給

同上

鳳城廢驛在北門外崇禎未圯

國朝總兵吳六奇重建

吳六奇重建鳳城驛碑記驛在城北金山之麓林巒背倚江水襟環地踞河山最勝

海陽縣志

卷二十六

古蹟略一

二二

自建置以來朝代遞更其地不易然而鼎革之際戎馬生郊余適因戊戌歲以戎事從王維舟河朔觀茲驛地邱墟乃捐貲一千金庀材鳩工因舊址而益擴之爰構兩堂及門三棟並左右旁舍軒敞寬綽視昔為倍自經始至落成凡七閱月遂輪奐一新會直指張趙二公相繼特臨且恩詔屢自天下皇華四牡絡繹驛舍歲鮮虛日至於絳節牙旗熊輿冕舄咸以一路星輝照臨信宿以及賓興勸駕之典復頻年雲集舉鳳城苞彩之英皆於斯飛騰焉已聿觀一時盛事矣自此而海晏河清永覩聖世鳳見之瑞則岐山噦鳴當與北峯嘯響互答

今改為育嬰堂

張志參採訪冊

產溪廢驛在豐政都

郝志

宋學舊址在西湖山即今壽安寺地

張志

謹案翁方綱粵東金石略引高忠憲三時記云潮州西湖南

傍山山後有清泉立石石上皆勝國題名蓋舊為學宮故登

科者皆題名其上

舊儒學在府治西郡學右周志

舊城南書院在城南七里許宋知軍州事王滌建後淳熙間遷

元間復建舊址為城南書莊元至順改稱韓山書院餘詳學校其遺址今不見城南碑記參采訪冊

元公書院在縣學西宋周子嘗漕廣東其孫梅叟為郡守時建後

燬於火明正統元年知府王源重修大清一統志參周志

得全書院在府城第三街宋紹興間宰相趙鼎謫潮州號得全居

士後人即其所居為書院後廢其六世孫繼清仕元潮州路推官

重建今廢大清一統志歐陽元得全書院記故宋丞相趙忠簡公有祠於解之聞喜元嘗記之時以博士趙君繼清

之請也繼清忠簡六世孫而元之同年進士作聞喜祠事甫畢遷亞中大夫出為潮州路推官潮蓋忠簡為秦檜所斥居之地也忠簡為相欲使其君正名定義以討金人之罪檜為相欲使其君匿怨事讐以修金人之好於是檜必殺忠簡然後已計行忠簡已斥

海陽縣志 卷二十六 古蹟略一 四

而檜怒未已事未可測也忠簡因扁所寓之堂曰得全自以為庶幾獲免於奸雄之手嗚乎忠簡為國元臣而以至於橫逆為其身之幸宋事豈不大可傷也忠簡再斥而潮人慕之不忘堂存如新爾後祠之於堂有司因民所欲視書院儀歲時遣官獻享迨嘉泰初忠簡之孫謐為潮守淳祐中陳圭典郡咸增葺焉宋祚訖而書院廢繼清之求外補於潮也志固在得全及至潮刑清訟理大振厥職因以所得職廩之貲復所謂得全書院於潮城名賢坊西街之右燕居祠庭講肄之室垣牆門廡燦然畢修俾潮民之秀受業於其中請設錄事官以主領之報政京師即元日解之祠君記之矣潮之書院君又嘗記之元竊有感焉古之君子敬其親故愛其身而以全而生之全而歸之者為孝曾子之以孝稱孜孜然保是以為訓也然語有曰事君能致其身致之者委而不有之名也其全其毀豈復計哉龍逢比干未嘗以是負於孝公有致身之義於宋何獨以得全為幸乎已而思之在其當時使忠簡死於檜而其事有益於宋則身非所當惜也方檜挾土令行已私與其徒死而無益於事則不如姑全吾父母之所生事君親之道猶庶幾者也忠簡之為是言豈得已也哉況萬一檜斃身得獨全猶冀收其再用之功也又焉得不以是身之全為一時之幸乎至於使公獲奉其得全之軀以歸其父母而使宋之時君不獲有其全付之業以見其祖宗殆天之所為也雖然忠簡不幸遇夫幅員分裂之

世遂賈志以沒繼清乃幸得生乎車書混一之時北作解祠南爲潮之書院相距萬里所欲無不克遂其志豈不大幸於乃祖之所遇哉宜其有光於前人也學子來遊思忠簡之以道事君而於得全爲非得已則藏修退思動審其是海邦黎獻哀然爲特出焉此作書院之本意也

謹案忠簡解之聞喜人故記稱聞喜有忠簡祠據宋史本傳鼎在潮五年杜門謝客時事不挂口有問者引咎而已中丞詹大方誣其受賄屬潮守放編置人移吉陽軍鼎謝表曰白首何歸悵餘生之無幾丹心未泯誓九死而不移檜見之曰此老倔強猶昔在吉陽三年檜命本軍月具存亡申報鼎遣人語其子曰檜必殺我我亡女曹無患不爾禍及一家矣自書銘旌云身騎箕尾歸天上氣作山河壯本朝遺言屬其子

海陽縣志 卷二十六 古蹟略一 五

乞歸葬遂不食而死時紹興十七年也今觀記中稱忠簡以得全名堂是吉陽未移之前已逆知檜必殺已矣又歐陽元大清一統志作歐原功并附識於此

玉華書院在金山有精舍有玉華堂明天順中知府陳瑄建延邑

人陳明德講學於此今廢

薛雍金山讀書記

國朝蔡叔度金山精舍詩清溪遶於前巨石蹲其北中有古老翁兀坐山之側

義安書院在開元寺右新街明宏治中邑人建爲知縣金謐生祠

國朝康熙二十二年知府林杭學重建後改東隅義學今廢

周志

中離書院在桑浦山明薛侃講學處

張志參采訪冊

明薛侃銘鐘詩晨昏二十四聲鐘響徹前峯與後峯試問巖前諸學士已聞嘗與未聞同

季本中離山詩歷徧離山好洞天杖藜到處
盡雲煙中離此日藏修地應作人間勝迹傳

宗山書院亦名懷惠祠在東莆桑浦山麓明邑人薛侃為王陽明

建今圮 張志

虞山書院在韓山明嘉靖中郡守湯昇為教諭陳察建久廢

阮通志

盛端明虞山書院碑記陳察以御史擢南京太僕少卿言事謫海
陽教諭潮之諸生稱為虞山陳子陳子教潮人初不為文字不為
條格不見語言惟日讀書諸生造見有所請則因其所請為之剖
析疑難而已行事不以語人而於己亦無所作為日坐空齋中披
卷焚香疏食飲水冬一裘夏一葛戴山巾著布衣閉戶不出客至
則更冠襟束帶以見之或以道為問陳子歎曰道無乎不在也切
於身心日用者為是耳忠君孝親豈可須臾離哉故曰戒慎乎其
所不覩恐懼乎其所不聞也諸生聞陳子之言觀陳子之所為相
與歎曰吾師之所教者無難也吾反而求之於吾心耳於語言文
字之間求之非所急也乃退而力學敦行忘飢與渴孜孜焉日愧
其行之不逮於言言之不符於心也道路咸相語曰向者吾潮之
士峩冠博帶一事於威儀容止語言文字之粗自夫陳子之教興

海陽縣志

卷二十六

古蹟略一

六

士皆務實行而去色莊崇樸素而厭華侈尚謙讓而卑矜伐陳子
初未嘗以此為言而其所行自足以使人觀感而化焉耳及陳子
之以遷去也相率構虞山書院日相與聚會而勸勉其勿墜是學
也於今五載矣癸巳季夏諸生沈升之陸應靈始徵端明以記其
事以勒諸石太守貴陽湯君尋以諸生之請構書院於韓祠之南
面江而倚山登斯堂也可以豁心目消塵煩啟遐思於昌黎興景
仰於虞山昔孔子之告顏子問仁曰克己復禮為仁一日克己復
禮天下歸仁焉為仁由己而由人乎哉此又豈虞山之能增益乎
諸生諸生之所相與勸勉者將不繫乎昌黎虞山之去留也雖然
潮之士自昌黎原道以倡於潮始因文以知道自虞山務實以倡
於潮始黜偽以崇真要之二子有功於潮諸生之遇也諸生
之學固不繫夫二子之去留豈不繫於諸生之遇與不遇哉

李見羅書院在城東竹木門右明萬厯間郡守陸典為副使李材

建久廢

通志參張志

鳳樓書院亦名鳳樓會館在開元寺後巷明崇正間巡按李雲鴻

建今廢

張志

貞元書院在東莆都明時建今圯

張志詳學校又

玉簡書院在桑浦山今改甘露寺石門上泐迹尚存

隆津書院在隆津都石鼓鄉

創建年代未詳

今存遺址

俱采訪冊

瀛洲書院在城新街頭康熙三十三年邑人爲知府李鍾麟建

華曾

蓋瀛洲書院記略嘗考郡乘我潮建書院蓋自唐韓昌黎公始溯
昌黎刺府事僅八閱月而童謳叟歛名江山草木以其姓俎豆距
今千載焉此非政教之過化有以沁入膏肓故致然歟今爲我郡
侯大公祖李公復書院是構以絜之昌黎當日然後知古今固不
相遠也夫公之政教固有彰明較著者矣公以名臣世胄子挾經
術吏治來視守篆熊轡泣止後正已率屬下吏輒咸奉德音利弊
次第興革卽細而溝壩斗量法無不周絕樗蒲束胥隸令行禁止
觀十一邑之間山平海靖時和年豐則公之所以衽席斯民者可
知已猶念國家治平莫大乎興學校勤教化於是留心義學咨諸
廣文慎簡其可師者爲之長課授生徒每月親領題目俾各以其
所課文上品評藻鑑出自手定其秉文衡較俊秀謝絕一切竿牘
甯核無濫以故前茅名雋學使者恆心折其知人能得土云昔昌

海陽縣志

卷二十六

古蹟略一

七

黎治潮稻織耕桑外請置鄉杖是亟延進士天水趙公專句當州
學宏德禮忠孝之化一時風俗不變試以公所爲絜之昌黎當日
誠不相遠也事有於前而有光者今日書院之建是已之役也經始
於壬申臘未落成於癸酉夏中從此仙街書院與城南書院相望
並峙以終古所謂泰山轟嶺北斗輝南徼者濱海何幸而皆快
瞻韓今更御李也哉公嘗署監司善政洽於循惠行將晉陟崇階
繼秉鈞軸如贊皇故事後來勳業亦何可勝道然而德澤之在我
潮者固已美不勝書公之實績無愧是舉而潮之人嚮義善尸祝
於弗諼也爰記詳悉用
勒貞珉共傳不朽云
雍正六年巡道樓儼改爲雙忠廟

張志參采訪冊

鯉溪書院在東廂溢溪隄內未詳所建今廢

采訪冊

迴瀾堂在金山有得要臨清二亭對峙其下

黃志參明統志

明遠堂一名思韓堂在縣城內宋知軍州事孫叔謹建

大清一統志

文惠堂

詳祠廟

原道堂

詳學校

雙美堂在金山巔明兵備道王一乾建今廢唐伯元集平湖記

浪西樓遺址未詳全唐詩

唐賈島寄韓愈詩此心曾與木蘭舟直到天南潮水頭隔嶺篇章來華嶽出關書信過瀧流峯懸驛路殘雲斷海浸城根老樹秋一夕瘴煙風捲盡月明初上浪西樓

揭陽樓在韓山唐韓愈建後改爲侍郎亭黃志

宋陳堯佐詩侍郎亭下草離離春色相逢萬事非今日江山當日景多情直擬問斜暉

鳳樓樓遺址未詳粵東詩海

宋陳希伋鳳樓樓詩千載傳聞孰是非高梧修竹晚風微欲知古寺曾樓鳳樓殿今無燕雀飛

鳳山樓在金山下古瀛洞天前繪列仙後傍城疊石汲水爲流觴

左右有款涼延光二亭明統志

海陽縣志 卷二十六 古蹟略一 八

謹案府志鳳山樓在金山麓韓昌黎嘗建亭左右其下爲古

瀛洞天與明統志所載略同今惟西湖南巖石壁鐫古瀛洞

天四字而金山無之樓亭遺址亦不可見

御書樓在開元寺宋僧官暢師建藏宋歷朝所賜御書余武溪開元寺記

鐘樓在開元寺與御書樓對峙同上

廣濟橋二十四樓 奇觀樓 廣濟橋樓 凌霄樓 登瀛樓

得月樓 朝仙樓 乘駟樓 飛躍樓 涉川樓 右通樓 左

達樓 濟川樓 雲衢樓 冰壺樓 小蓬萊樓 鳳麟洲樓

摘星樓 凌波樓 飛虹樓 觀濫樓 浥翠樓 澄鑑樓 昇

仙樓 仰韓樓 皆明宣德中知府王源建廣濟橋洪及直記

醉經樓在城西明唐伯元讀書處樓有八景曰蘆荻洲曰鏡湖曰新篁隴曰西湖山曰漁滄廟曰桃花隴曰林副使舊宅曰李家園

醉經樓記

明唐伯元醉經樓詩典衣為沽酒典地為栽花小樓新構就明歲屬誰家種花莫種奇小築何妨拙客來歸不歸樓上看明月樓前湖水平樓外四山青樓中經一卷堪醉不堪醒白晝鶯聲轉清宵鶴唳過幾番沈醉後喚醒興偏多其八景詩蘆荻洲云蕭蕭蘆荻邊載酒趁斜陽醉來疑作夢揆舵過瀟湘桃花隴云一隴深復深見花不見樹人間可避秦何必桃源路林副使舊宅詩林公舊池館橋畔草萋萋百年歌舞地在夕陽西謝宗鎡鏡湖新篁隴歌湖外有山城不隔山光湖光兩相借湖以藏隴人不知島與湖波合冥漠島中之人坐清曉但見千里萬里白湖所盡處無非山歷歷去身不盈尺由島測湖乃無邊山立其外高爰逼似將凝峙佐空曠上者蒼寒下沈碧環島為居竹間之蘆葱一邱靡留隙孤煙裊裊鏡中浮日出波沸島皆赤離離菰蒲香滿湖湖面鳥飛去無跡遊人共指銷夏灣六月無風自蕭槭

海陽縣志

卷二十六

古蹟略一

九

仰韓閣在縣東濟川橋左元至正中通判喬賢能建

明統志

聚奎閣

詳後寶雲巖

杓光閣未詳所建今廢

古瀛苑詩

國朝吳一蜚杓光閣詩路繞垂楊江岸迴層樓百尺鬱崔嵬推窗乍引花香入捲幔平分嵐翠來清磬一聲穿樹出深松幾處傍雲栽登臨况值風光好履齒還期印綠苔

北閣在金山東有石跨城特峙河干明嘉靖中巡道江匯鐫青天

白日四字於其上

國朝順治閒建閣康熙中知縣顏敏又鐫砥柱二字於閣後閣舊懸佛燈江船往來掩映如畫為郡城八景之一乾隆中巡道康基田葺之名曰韓江樓其下為長壽庵旁有石級迴環幽深如洞上

通傑閣遊客多登覽焉光緒十三年知府朱丙壽中軍游擊方鼇

重修

張志參
采訪冊

國朝陳衍虞北閣詩振衣百尺眼荒荒平楚風來送午涼天外何
人看倚劍閣中有客賦長楊濃雲欲蔽將軍柱巨浪難沈刺史香
此際牢騷銷不盡
神州北望總蒼茫

康基田韓江樓成登臨詩一石迴東注千山積翠來漲隨新岸闊
門倚紫雲開躡磴思層累沿波想溯洄乾坤此身世何處染塵埃
宋湘韓江樓題壁詩十丈扶雲石三層俯水樓時常千樹雨日
夜一江流有客來吹笛看山不轉頭獨憐僧茗意留嘯海天秋
周祚亨登韓江樓詩榕樹盤磯古崇樓壓梵宮平臨山在下飛
跨石當中逝水容歸海輕帆任轉風不關身世慮沙鳥與人同
林模韓江樓詩立石高千仞危樓俯大江山盤青人座水合
綠橫窗鱷渚漁歌月湘橋客聚艘超然塵境外形勝壓南邦

鳳洲奎閣在城東南康熙三十四年巡道魯超建後圯雍正七年

巡道樓儼劉運鮒知府胡恂知縣張士連重建嘉道間遞有修改

海陽縣志

卷二十六

古蹟略一

十

同治間燬於火光緒二十三年巡道聯元倡紳建復

張志參采訪
冊聯元鳳

鳳洲奎閣記潮郡倚金山為城鳳水縈繞之城東曰韓山西曰西
湖山東南地勢較低是為鳳水之洲其上有巍然峴立者曰奎星
閣康熙三十四年巡道魯超建也志稱自建此閣人文乃盛康熙
庚子颶風毀閣雍正七年重建庚戌捷南宮者十人同治中葉復
燬於火迄未修復都人士以為人材之衰蓋由於此理或然也光
緒乙未冬余奉命觀政是邦邑紳李秋畹鍾雲笙陳瑤史戴小
泉王穉筠以修閣之議進因贊成之經始於丁酉八月落成於戊
戌三月榱棟栳栳煥然改觀李鍾諸子顧而樂之怡然舉故事以
相慶余以謂陰陽之理查不可窮惟人事之轉移於隱微者確有
可尋而不得不勉求焉以既乎其閣之存也必有與之俱存者
而後人材蔚然興起而不自知其亡也亦必有與之俱亡者而
士氣民風遂陵夷焉而漸忘其舊然則今日之役豈惟度地勢之
高下壯游客之觀瞻而士大夫之官於其土生於其鄉所以湔除
陋俗而廣續先賢之澤於無窮者蓋有道矣諸子曰有是哉斯言
不可不令都人士聞也遂書
而泐諸碑以為重修奎閣記

二十七年春又燬於火

采訪
冊

觀稼亭在西湖山老君巖上唐貞元間中丞李宿建宋元祐間知

軍州事鮑粹又建乘風待月二亭翼之

張志

宋林嶼觀稼亭詩咫尺移文喚即應此亭便可配韓亭溪流橫過一灣碧山色平分兩岸青落日鐘聲憑遠樹半空塔影倒寒汀雲

煙滿目皆縹緲留

與邦人作畫屏

荔枝亭 鳳亭 初陽亭 西暉亭 皆在金山宋祥符閒知軍

州事王漢建址久廢

王漢自撰
金城山記

疊翠亭在思韓堂東宋咸平中通判陳堯佐書匾

黃志

獨遊亭在思韓堂北陳堯佐詩記得幽人舊吟處獨遊亭在野橋

西輿地紀勝

見遠亭在金山伏虎石側有宋熙甯六年許彥先石刻詩址久廢

金山石刻

海陽縣志

卷二十六

古蹟略一

十一

披雲亭 凝遠亭 成趣亭 一覽亭 皆在金山宋紹興閒知

軍州事翁子禮建址久廢

王漢金城山記

謹案薛雍金山讀書記披雲舊有石刻玉華翁結亭其上故

名爲金山第一奇觀據此知亭爲翁子禮所建故址非別有

一亭矣

雲塔亭 東嘯亭 立翠亭 皆在西湖山宋慶元閒知軍州事

林嶼建址久廢

張志 涵泳其秀而得佳趣思與邦人同其樂復建三亭

以便遊憩緣山左趾捫蘿而上半躡雲煙者命之日雲塔巋然負塔而東向垣視前峯者日東嘯少迂而西巨石數四卓犖而環侍

者日立翠

放生亭 湖平亭 倒景亭 皆在西湖山亦林嶼建

張志 騫重關西許

湖記略慶元己未夏太守林公嶠引清流瀦湖而廣之南北相距倍於昔立三亭濱於南日放生介於中曰湖平跨於山之側者曰景倒

遙碧亭

見後拙窩

盍簪亭在城南書院宋慶元五年知軍州事沈杞建

郭子章韓祠沿革攷謹

案沿革攷沈杞卽墟棚亭其稱曰墟蓋指州南七里之舊址也

太山北斗亭在城南書院宋淳祐閒知軍州事鄭良臣建

同上

南珠亭在城南書院宋淳祐閒知軍州事陳圭建祀本郡九賢取

韓愈別趙德詩意而名

郭子章韓祠沿革考參黃通志

唐韓愈別趙子詩我遷於揭陽君先揭陽居揭陽去京華其里萬有餘不謂小郭中有子可與娛心平而行高兩通詩與書婆娑海水南簸弄明月珠及我遷宜春意欲攜以俱擺頭笑且言我豈不足歟又奚爲於此往來以紛如海中諸山中幽子頗不無相期風

海陽縣志

卷二十六

古蹟略一

十一

濤觀已久不可渝又嘗疑龍鰕果誰雄牙鬚蚌贏魚鼈蟲瞿瞿以徂徂識一以忘十大同細自殊欲一窮究之時歲屢謝除今子南且北豈非亦有圖人心未嘗同不可一理區各宜從所務未用相賢愚

晴雨亭在西湖山雁塔石側宋淳祐中知軍州事劉希仁建

張志

韓亭在韓山昌黎登覽舊地俗呼侍郎亭元延祐中張處恭建

輿地

紀勝參明統志謹案林嶠詩韓亭自宋已有非自元始

明謝宗鎡韓亭詩韓子去已久空山今有亭秋煙荒橡栗古壁暗丹青城抱江如帶天垂嶂列屏雙旌餘片石嘸鳥下林垆國朝陳衍虞韓亭秋月詩晴煙幾縷抹山隈蕭槭疏林擁樹開千頃瑤波江芷漾一庭柏影兔華來雁拖秋色過韓嶠僧帶嵐光覺臺我欲拈毫裁月賦可憐揭婦已無才

謹案阮通志云亭卽因揭陽樓建亦名思韓故後人沿譌有

謂思韓堂在東山者然亭與堂有別也

據郭子章韓祠沿革攷元至正甲申郡守

張弼建思韓亭
知事張宗元記

鳶飛魚躍亭在城南書院池中元至正間總管王翰建戴希文詩

西郭雲連沙樹晚前池風薦水花涼即謂此也明正統三年知府

王源重修今廢

大清一統志參黃通
志粵詩蒐逸并採訪冊

仰斗亭在東山之腹北面故名亭刻韓愈像及諸賢墨蹟

輿地紀勝參統

志

湖山亭在韓山後舊鑿湖曰東湖亭因此名

採訪冊

高節亭在廣濟橋東明嘉靖初教諭陳察建

郝通志

利涉亭在廣濟橋東明嘉靖閒知府邱其仁建

同上

觀瀾亭在金山上舊名望海亭亦邱其仁建郭春震易名

黃通志

海陽縣志

卷二十六

古蹟略一

十二

最高亭

詳西巖

候潮亭在金山今瑞公祠側久廢

萬历年間石刻
並詳前潮汐

積翠亭在湖山自老君巖上石磴紆迴過小石門三面巨石盤踞

平坦可坐數十人緣石生古榕株根不著土面西得隙地建亭列

翠迴環欄闌互映今圯

周志

國朝蔡瑜山積翠亭詩石磴層層上憑高結小亭纖茸欄外簞粉
堞几前屏雨過千峯淨晴開萬隴青松風吹拂拂天籟夢中聽

望海亭

詳金山

鳳棲亭在鳳棲山康熙二十五年知府林杭學建

林杭學鳳棲亭
記略出城渡韓

江十里有山蔚然山下煙火數家多植竹柏相傳鳳曾棲此故以
名其山因名其鄉國初郡紳建孝禪寺於山麓遂成叢林鳳棲
之名益顯先是星輶至止從臨汀或程江至郡或溯流抵汀程皆
置酒鳳城驛近因寺稱名勝遂為祖道之所然薙草張幔一逢風

雨歡情不接康熙丁卯春余偕爵臺乾庵先生觴客於此徘徊四望曰此地可亭亭之可省張設之勞洽賓主之意無俟投轄也公然之余遂捐俸鳩工不數月有亭翼然峙江皋矣顏之曰鳳樓志地也亭後枕禪寺前對危峯去韓溪數十餘武左右諸山若伏犀若人立攬數十里江山之勝從此憲節南來使車北指離絃細鳴驪歌輕唱視予鄉之勞勞蜀橋之折柳似皆過之矣援筆記此且以質爵臺

五十二年圮於風

周志參張志

國朝金一鳳鳳樓春眺詩十里旗亭黛色加春風送綠到天涯蛟宮日麗浮孤嶼廬市煙沈雜亂沙江上輕帆雲外度尊前新樹望中賒憑欄無限閒愁

思野老春深獨種麻

劉時穎鳳樓亭詩幽亭瀟灑繞西川流水桐花自杳然萬木陰山裏寺羣漁網破水中天鳳樓絕巘別峯迴鱷渚孤帆落照邊數

點晴光疏雨後分明一幅米家船

三利亭在三利溪上

周志

乞佩亭在韓山坡雍正十年知府龍爲霖建

張志

海陽縣志

卷二十六

古蹟略一

十四

鳳臺在金山宋祥符閒知軍州事王漢建

金城山記

謹案 大清一統志鳳臺在海陽縣金山相傳昔有鳳凰翔

集臺上故名今據王漢自撰金城山記云洞曰仙遊臺曰鳳

臺謂仙所宜遊鳳所宜集也此則虛構之詞不必實有其事

矣

鳳凰臺在城東南明隆慶二年知府侯必登建

國朝康熙三十三年巡道魯超新之爲臺三層雄麗倍昔五十九

年圮於風雍正二年巡道姚仕琳七年巡道樓儼劉運鮒知府胡

恂知縣張士連重修

劉運鮒重建鳳凰洲臺閣記略潮郡鳳凰洲舊名老鴉位城之下方東南隅其迹古矣明

隆慶二年侯必登守茲土始於斯洲築臺焉洲取鳳山鳳城之義更曰鳳凰沿至國朝巡道魯公超以臺圮修之復於西關地鳩

工構一閣祀文昌神無何毀於颶雍正六年風憲樓公銳意興復
尋除臬去志焉未遑余以四年七月奉天子命來巡是邦逾月
詣其地相厥形勢北面疊嶂南枕桑浦東挹韓山西引城郭氣象
偉矣又適位離明之方獨當韓江下流之衝滔滔洪波於此中分
焉慨然曰是非特江山壯觀蓋郡治之鎖鑰而人文之基本也乃
與太守胡君邑令張君共勸厥事址仍其舊材維其新濱流之地
固以礮石計三閱月而諸石
乾隆五十六年知縣韓義重葺
閣以成爰作記而勒諸石
臺記略郡治東南之偏有洲焉曰鳳凰舊有臺據一郡之勝歲久
坍塌庚戌之冬余宰海邑逾年泛舟巡矚北望郡治諸山蜿蜒南
下挾意溪東注箭激瓴直於臺下始矩句洄洑鍵外固內維臺
爲最要溪之下流歧分燕尾左赴東隴右達蓬洲各自爲道臺以
鎮之所以提挈綱維全形輔勢并以四時遊觀節勞逸於是乎在
其可或緩爰節縮祿秩所入爲邑人倡爲閣三層觚棱上聳曲磴
梯迴川光遠黛悉效眉睫辛亥
道光二十二年大水衝決臺基知
落成爰伐石考詞記其緣起

府劉潯捐金重修

黃釗有錄
不錄

臺峻聳雄偉當郡城下游雙塔當楹郡

城橫牖極江山之勝

張志參
採訪冊

海陽縣志

卷二十六

古蹟略一

十五

明材熙春偕阮令公登鳳臺詩永和千載繫余思結客相攜酒
一卮且喜步兵游梓里因偕童冠集蘭池興來敵手棋方劇話到
如心席更移不是嗣宗饒
問俗登臨何以慰襟期
國朝潘耒鳳凰臺詩潮江抱郭如弓彎南馳赴海不復還天生沙
洲塞江口似與闔郡爲門關層臺龍竄立洲上望若鼇背浮來山
方舟絕流一登眺江山縈迴作玉環榕荔陰中鋪畫堞蔚藍天外
排煙鬢長橋橫截白銀浪古塔倒浸蒼龍灣南溟去此咫尺近鯤
髻鵬翼微茫間徑須乘槎訪仙侶何事漂梗棲塵寰十洲靈藥不
可採三山欲到風濤艱君門九重身萬里清霜入鏡絲斑斑地
主多情解相慰玉壺盛酒玻璃殷蘭橈綺席招勝友睇空眺遠舒
愁顏觴政森嚴角楚漢杼天際詎有彩翼來
職守身優閒丹山九雛在天際詎有彩翼來
斑斕高賢棲止便如鳳韓陳渺矣誰能攀
史瑗登鳳凰臺詩憑高一望野雲空城郭依稀山水中遠近帆飛
雙塔下淺深霞落斷橋通霜風橘柚村村熟夜月芙蓉岸岸紅獨
倚樓臺思往事只
今江上祝韓公

金一鳳凰臺詩極目層臺上千村落照微藤枝高挂壁香氣
冷侵衣林鳳凰臺詩極目層臺上千村落照微藤枝高挂壁香氣

藍漣遊鳳凰臺詩野曠秋何遠臺荒水自平海雲高不落江雨
夜多聲目極陽路人歸白下城鳳兮終隱晦凡鳥奈飛鳴
僧超雪人日遊鳳凰臺詩勝日宜登眺焉辭屐齒勞天邊千嶂小
江上一樓高雲物晴常變詩情老更豪諸君原有約意氣勝醇醪

棲鳳臺在金山少北洞後久圯有棲鳳石泐迹尚存

薛雍金山讀書記

最高臺在金山西暉巖

同上

釣魚臺在湖山下明唐伯元建

周志

明謝宗鎬釣臺詩山勢依臺曲折成斷橋深處藕波清高人所寄
皆孤迴勝地頻年見廢興春水苔磯枯柳臥夕陽漁笛野煙橫羊
裘亦是尋常事浪有桐江身後名

四望臺在湖山南巖之巔即宋元祐建塔遺址今廢

詳後西巖

超然臺廢址在金山明副使任可容建

張志

巖瞻臺廢址在金山庵西伏虎石上亦任可容建

同上

海陽縣志

卷二十六

古蹟略一

十六

蒙齋在湖山故信安令鄭沂讀書處有水石之勝

輿地紀勝

卓玉峯栖

鳳泉俱在其處

詳西湖山

梅花莊在湖山北明郡人唐伯元建其旁一石書谷口二字

周志

竹溪隱址明隱士陸大策故居在東皋九郎山麓碧澗潑洄環植

修竹雜以桃李徑迴路轉有平畦數十畝別具幽致郡人楊鍾岳

即其地建尺隱庵

同上

謹案府縣舊志大策隱東皋太守郭子章時常過從更考薛

侃陸竹溪傳當時過訪者為太守葉公職官表宏治年間葉

元玉為知府子章為太守在萬曆十年薛傳之作乃嘉靖時

大策已卒舊志皆云子章誤也

鏡嶼在城西隅漁滄廟右即蘆荻洲明唐伯元醉經樓遺址環池三面

竹樹扶疏 國初邑人陳衍虞嘗讀書其間有鏡嶼雜詠蓮山詩集

國朝陳王猷過鏡嶼詩花陰鳥語舊元亭零落秋風已不勝別隔樓臺分水綠空餘戶闌送山青

陳鴻鏡嶼夕照詩別墅臨無地蒼茫入望深孤峯懸日瘦一鳥抱煙沈虹斷明虛閣雲橫隔遠林轉添濠濮興休冷晚來心

鍛圃在城西郭邑人陳衍虞別業蓮山詩集

國朝蔣伊寄題鍛圃詩垂楊數曲遠幽棲細草新蒲綠未齊滿隄白雲閒抱甕一畦花雨看扶藜春禽翼矯青霄外午磬聲來古寺

西欲問桃源何處是韓城卽有武陵溪鄭圃風光翠欲浮綠陰深處少驚鷗黎雲夢斷蜂鬚老柳絮風來燕語柔檻外回塘澄似

月簾前疏雨暝如秋何時得命剡溪棹花底清歌一倡酬

孫過鍛圃詩修竹蔭華池清陰接雲表不與風卉爭經霜櫛矯矯伶倫識其音宮爲黃鐘肇德輝千仞下結實等瑤草數斛充枵

白何用遊三島彼美此中居其顏姣以好道廣無雜寶庭軌何須埽落葉煮清泉典籍恣搜討驅車一再過湛然樂深窅相視各忘

海陽縣志 卷二十六 古蹟略一 十七

言命酒不知曉諒無詭隨趨違計拙與巧

高隱屏在城北關外金山之麓

國朝處士陳瓊隱處其地列石如幃几榻宛然鹿洲藍鼎元爲作

高隱屏記 藍鼎元高隱屏小記石則高而隱於樹下似列屏因以名焉陳子玉山高士也不朝不市依金山之阿以自適

飄然有古逸民風其爲人端靜樸雅操履狷介韋脂涼炎之氣陶然淨矣好筆墨渲染自娛肖物工妙余所見海內名手頗多如君

者甚少是以獨深嗜之敢券其必傳傳不傳非玉山意世情貴遠賤近未必能知其所以然數十年後當有飢渴思之者人生一藝

可傳卽不與草木同腐況其爲隱者也品之粹行之高併所居之地皆足以傳耶嗚乎自有潮卽有金山有金山卽有此景有此石

千餘年無賞識者獨留以待玉山且待余之琢磨造物可謂無意乎考槃碩人於今如昨高隱屏足千古矣雍正九年八月十五日

記 知府龍爲霖過訪見樹林陰翳曲徑迴環因書花徑雲深四字

於石巡道楊國棟又書鶴在雲霄以寵之金山石刻并採訪冊

國朝葉適冬日與陳雙山遊玉山別業詩天寒凜冽風颺清齋
閉戶無羊求忽然風迴白日暖空階響屨來陳侯招予直步金山
去訪逸更作玉山遊玉山名園雖近郭門巷階級何清幽天然位
置自參錯人事點綴窮雕斲亭就樹構孤小竹檻引蔓扶輕柔
登高巒巒在眉睫俯眺谿澗如渠溝花間一步一徙倚石畔頻坐
頻淹留泉聲沸火戰山茗吹煙出竹羅珍羞田荆謝草蔽虧映樂
哉此境真太邱何當竟日愜幽賞使我茗芋銷煩憂夕陽在樹
飛鳥亂歸步彳亍心夷猶叮嚀重與梅花約月夜柴扉款不休

熙春園在西湖山北宋紹興間知州謝尋建亭曰漸入佳境庵曰

醉客方歸 黃通志

謹案府志作謝晏并云晏舊譌作尋茲檢舊志職官表紹興

中知州軍事有謝尋無謝晏通志亦然不知府志何據也

蔚園在西湖山之南麓明邑人陳廷策別業陂塘樓榭擅一郡之
勝方春百花爛漫出城卽聞花香遊人比之東山別墅其樓聯集

海陽縣志

卷二十六

古蹟略一

十八

句云綠竹故侵行徑裏青山正對捲簾時今樓廢舊址猶存 周志

波羅園在城南隅明尚書翁萬達故居 采訪冊

辜家園在城西隅明太常寺卿辜朝薦別墅其地環池紆折號十

八曲有石巖及曝書亭址尚存

西園明尚書黃錦故宅今爲巡道署 俱同上

國朝陳衍虞遊城南黃氏舊園詩砂堂納納起涼颺搔首同來耳
目移當日浪誇金盞宅何年頓改白雲司孤亭傍嶼江籬瘦傑閣
齊雲玉柱檣莫向魚龍波
外望殘荷燕麥正離披

磊園址久廢 舊志洪圖光詩

國朝洪圖光磊園詩夢中神王百花洲此日欣從元禮遊曲徑梯
雲看石潤高臺隱霧覺風柔得鄰喜借南洲榻望古遙瞻鐵漢樓
尚愧河陽無一樹
寒香漫說近羅浮

渼園明邑人陸卿別業未詳其址

舊志陸卿詩

明陸卿渼園詩小窗幽且潔高臥是良謀門掩爐煙定風來花氣浮松陰三徑寂竹響數竿秋剝啄伊誰子名僧一刺投又久客還渼園詩數架牙籤塵網垂庭松逕柳自離披情當磈礪惟看劍我負雲山賴有詩避債長扃花外戶畏人靜理局中棊香煙一縷疏簾寂得句掀髯付雪兒

鯉溪卽惡溪在城東北爲唐韓文公驅鯉處

采訪冊

唐李德裕過鯉溪詩風雨瘴昏蠻海日煙汲魂斷惡溪時嶺頭無限相思淚泣向寒梅近北枝

化象潭在郡之西湖唐宰相李德裕謫潮攜二玉象至惡溪躍入

潭中故名

周志

謹案西湖距鯉溪頗遠唐時尚未瀦闢今鯉溪村象埠其地

有嶺後潭在村西有謂卽德裕沈象處姑識此以俟攷

海陽縣志

卷二十六

古蹟略一

十九

越王走馬埒在縣北十里南漢祖劉安仁爲潮州長史時築安仁

孫隱王南越故追號越王其埒上平坦可容數百人遺址尙存

張志

明薛雍走馬埒詩雙溪據上游走馬埒山小遠道從天來長隄出雲表越王今何在劉銀迹已杳歲歲荒原中秋風吹白蓼國朝黃釗越王走馬埒詩君不見呼鸞道廢苑荒蕪沒春草又不見歌舞岡亂石犖确眠秋羊海陽山下埋殘碣重問越王走馬埒東風滾處香塵生想見圍場促蹄鐵紅棉作絮漫天飛無復山牛胥兔絲長隄一色裾腰綠執挺降王歸未歸

拙窩在金山舊名遙碧亭宋廖德明通判潮州以朱子所書拙窩

易名并刻周子拙賦於巖石間

大清一統志參周志

寶雲巖在桑浦西山宋時郡人林翼龍翁慶僎紀善甫蔡渤講學

於此知軍州事高壽卿題其閣曰聚奎後廢明嘉靖閒邑人林大

欽與翁東涯薛中離謝前山卽遺址重建爲寺

林東莆文集林大欽重修寶雲巖

記潮之南距城四十里西山列嶂中有巖日寶雲巖舊與老君甘露二巖俱有名老君巖盤桓山麓松木參天附城西不數武爲遊人所恆登覽者也甘露巖洞虛敞可千人坐誇玉簡峯之勝而寶雲則由桑浦徑口南入兩山夾道逶迤紆迴曲折而西下有鳴泉蓋諸峯之泉從茲下焉其水勢所激洶湧鼓盪石可轉動遵澗道層折而上有地寬平延袤得數十丈置爲閣閣後山岡且夷且峻洞門峇嶠有天然石室凡峯巒之疊翠煙樹之迷離與夫泉流之潑洄旋繞皆得坐斯巖之上一矚目焉前有宋時先四世祖秘書潛峯公嘗與郡人翁慶僕紀善甫蔡渤講學於此時知州軍事高壽卿題額曰聚奎閣是其地又以人而增勝也嗣後兵火繼作雖深山之寺宇不爲人世所爭者亦概灰燼惟巖之不可磨滅者存焉歲壬寅屆修禊之辰余偕同人薛中離翁東涯謝前山三君入山作踏青遊會飲斯巖酒酣有俯仰古今廢興之感三君詢及往蹟告余日子可無以修之乎遂同質於郡侯郭以亨明府而後從事命山僧光惠董其役因遺址而架木集工越十月工竣巖上新彩釋迦大士伽藍諸佛像閣內塑文昌帝君前賢韓昌黎伯皆仍舊祀也閣旣成郭明府輿駕山中相與燕落成而覽勝概屬余作文記之余思夫一巖一閣之勝遊人登臨之所耳而先世諸君子講學於此則又匡廬白鹿遺意非區區作遊觀地也余異日解綬歸里獲與數同人朝夕潛息其閒以忘老焉斯亦余似續妣

海陽縣志

卷二十六

古蹟略一

二十一

祖之一事也爰
卽事而爲之記

西暉巖在金山王漢金城山記云西暉亭南巖壁峭嶮亦以西暉

名之巖東南五步卽隱石今莫詳其處

張志
藝文

謹案隱石遺刻今在金山南麓而西暉巖莫詳其處據云東

南五步則相距當不遠矣

壽安巖在西湖山左麓臨湖深處以壽安寺得名

采訪
冊

西巖舊稱南巖在西湖山南上有古瀛洞天四字明嘉靖中邑人

章曰慎居此有讀易山房天門天池最高亭四望臺諸勝

唐伯元
南巖記

名山勝水之間果足以當儒者之樂乎哉陋巷可居牆東可隱必聞之儒者身都宇宙瞬息千古居則憂道出則憂時惟恐絲毫墮落有負此生其於一切外至窮通醜若浮雲之往來若寒暑晦

明之代謝尚不自知有憂況知有樂乎彼名山勝水之間諒非其所汲汲也然今之天下稱勝蹟耀簡編者孰非自名公碩夫幽人羽客之所棲處得意寄嘯傲而振風騷傳曰賢者而後樂此由茲而觀謂儒者所樂不存焉不可也吾郡西湖山之有石屋舊矣蓋上而砥下可筵席坐數十人大江東來適與湖會城中煙樹萬家郊原之外蘼蕪千里其環而山者則獅子鳳凰諸峯錯落天外一莽古篆苔蘚多不可辨余與友人章曰慎汝淑氏嘗攜觴其處徘徊歎息至不能禁約曰孰先投閑者主之其後應舉需次各服一官在四方余又沈浮中外不及茲巖者三十餘載獨時時於懷也比汝淑乞歸自滇南會余新解母哀在里語及茲巖汝淑曰敬如約即日覈址翦蕪鳩材諏吉重瓦屋於前略如石屋制闌其前而門之雜植松竹花卉與山花掩映左右一時聞而喜助者自謝太學紹訥以下各捐貲有差不逾月訖工顏其額曰襟江帶湖郡侯徐公一唯大書南巖其上時與僚佐燕憩焉乃汝淑又穿一徑通絕頂為讀易山房有天門天池最高亭四望臺諸處語具汝淑自為記與詩中發巖谷之幽光賡考槃之餘響自是遠邇聞之望之不啻神仙窟宅矣余竊祿日久謬懷儒者之憂既無寸補於時乃依違不欲舍去甘讓汝淑以賢者之樂是汝淑先得之而余將至於兩失也於其成也不可無記

巖祀李伯陽又

海陽縣志

卷二十六

古蹟略一

二十一

名老君巖明季邑人陳廷策得其地重闢之而建亭閣名流雅集

咸於此焉

曾化龍重闢南巖記略南巖結湖山之腰怪石竦峙雲樹鬱蔥蓋奇勝也往者荆榛未芟鬻體與狐兔相為窟

宅耽奇者流間一攀藤聽臨風生心魂為寒迨神廟中葉其鄉章別駕始闢以祀李伯陽山之鬚眉面目寢寢乎具未幾而棖桷傾圯蓬蒿又滿餓甍書鳴人跡寂歷豈倏興倏廢數有固然雖以伯陽之靈爽石丈之英標不能墜落於寒煙荒草中耶一日徵君陳公低徊其下謂洞巖擅神鏤顧使泯沒不彰我輩空具濟勝毋乃負罪山靈爰鳩工庀材緣山而亭之緣亭而閣之塑金身集龍象闢靜室數十椽置僧田若干畝於是幽香夜騰疏鐘晨動向在寒煙荒草中者今且為西園之鷺嶺馬祖之叢林矣予謂山川遭逢不異措大當其置身通顯則戶外鶴蓋成陰流水接軫如其不偶遁深林而友麋鹿雖歌出金石猶之蛙鳴蟬噪耳嗟乎徵君不遇也者髑髏穴之狐兔家之牧豎樵夫相戒不入何以今日遊屐所至皆坐臥不能去而且藉稱應接不暇也哉山僧走溫陵告予曰徵君開疆置田之功德不可沒其姻婭捐貲功德亦不可沒也今徵君已矣敢乞一言以志不朽因徵君長嗣衍虞為余首拔士才致鸞發名滿天下其諸郎皆英璋器也往予奉簡書較潮士時曾鵬詠於此矣憶風光之如昨悵幽人之

已遙遂泚筆爲之記徵君諱
廷策字穎夫觀墀其別號也
今亭閣多圯讀易山房爲呂仙巖巖

石壁刻章曰慎遺記石記詳金略
四望臺亦存刻其址即宋元祐建

塔處張志采訪
冊參石刻

宋陳文瑤石穴洞天詩到處摩厓探白雲小山花
鳥度深春秦王空有坑儒計不及巖泉打坐人

明林遜湖巖石室詩巖穴神仙宅山
門向頂開白雲閒不鎖留與鶴歸來

季本西巖詩丹厓翠壁聳巖扉芳草疏楓映
夕暉久住高人忘木石相將鹿豕日同歸

國朝陳衍虞偕吳昌庵曾青藜小集南巖禪堂詩雲過秋巖碧可
攜望中疏柳醉湖隄拈花共證三生果采隱都無七聖迷今雨來

聞雙鳳喊老僧近比禿鷲齧麵生
風味殊堪念未許宵鐘出竹西

陳士鳳南巖夜宿詩日入山河暝空青瀉月痕岸連山漠漠溪
遶水云汙老木虬龍臥奇峯虎豹蹲鐘聲何處起靜裏忽然聞

陳學謨南巖詩古洞穿雲入懸厓躡屐登松陰互虧蔽石勢
鬪峻嶒野闊天垂幙山空鳥聚朋斜陽蒼靄外瘦杖一歸僧

海陽縣志

卷二十六

古蹟略一

一二十一

陳珏同友人遊南巖詩一路霜風落葉深偶逢知己入空林雲停
似欲依禪意鶴立居然有道心古洞燈微涵暝色夕陽鐘動出寒

音十年宰相渾閒事
聊與山僧和苦吟

金一鳳老君巖詩郭外尋春入翠微重巖四壁長苔衣舊傳紫氣
隨龍隱豈識仙翁化鶴歸太乙爐中丹火在無何鄉裏世人違應

知此處風塵隔莫
辨長生是耶非

白雲巖 四通巖 俱在龍溪都桑浦西山仄徑崎嶇林木叢茂

山麓有寶慶寺采訪
冊

疊石巖三石疊
成故名 石壁巖 北元巖 俱在桑浦山爲中離洞十

八景之三詳輿地
略

明季本疊石巖詩三石分明品字函上奇下偶自天緘中間玉洞
迎仙侶此是離山第一巖 又石壁巖詩一石兩石聳雲煙千山

萬山匝洞天風月半簾懸
太古圖書滿榻對先賢

甘露巖在桑浦獅子山有石室深丈許橫溢十丈明時曾宏毅隱於此尋爲盜藪游士足音罕至今則探幽者踵相接焉

張志參
採訪冊

白水巖在歸仁都登塘山內峯迴路轉深入里許山半有石門鐫白雲關三字上爲蘭若庵後巖石高覆深廣丈許旁有石洞拾級可下取泉泉清冽四時不竭巖後有複室細石甃砌戶牖儼然鳴

禽上下樹木交蔭亦勝境也明尙寶卿吳殿邦嘗讀書於此

同上

國朝黃華游白水巖詩未至白水巖已愛白水路一徑入青山出沒峯邊樹樹隙稍窺巖松色濛煙霧遠知此巖際雲濤無朝暮近巖石益奇狀若牛豕聚崩剝不肯同石意當有故隔澗拜丈人一泉石邊吐終古巖壑內白日飛雷雨過澗立泉旁聲光履下度冷然山更深黃花落無數

陳王綸白水巖詩巖上青松倚石栽巖中幽景絕塵埃雙眸有耀金仙現一笑無聲寶月開澗水含冰初化瀑山花似雪半吹梅百

海陽縣志

卷二十六

古蹟略一

一二十二

年僻地人稀到獨
事登臨躡屐來

謹案殿邦所居曰匏谷自稱匏谷山人卽以名其集有匏谷結社詩云海門東去聽潮喧落得便宜五石尊旅雁相過排晚字羣鷗坐對領卮言清狂我輩簪原合懶拙畸人薜自捫生計只今詩酒在未應蕭瑟此山園其地是否卽此巖無確

據附錄於此

最上巖在城東石庵山捫蘿陟磴凡三數里至半山巖石隱覆有僧舍兩椽下爲巖洞洞虛如室僅容數人巖前餘地寬可數十人坐有石壁削立鐫最上巖三字明尙書黃錦書相傳明季錦嘗避亂於此其石壁頂平方西望郡城歷歷在目壁下有洞深無際林

木陰森蒼鬱奇古巖側桂花一株芬馥異於常卉然山深路杳人跡罕有至者采訪冊

仙游洞在金山西南隱石之側王漢金城山記云西暉巖東南五步叢石怪詭勢若騰湧題曰隱石石側有洞曰仙游者卽此金城山記

參采訪冊

初陽洞在金山東卽初陽亭初陽亭見上舊址明盛若林讀書處薛雍金山

讀書記

少北洞在金山樓鳳臺下今少北洞三字石篆尙存旁鐫盛若樹讀書所

舊少北洞 投龍洞 俱在金山薛雍金山讀書記云相與入舊

海陽縣志

卷二十六

古蹟略一

二十四

少北洞一徑高深又從東南下探投龍洞稍上百步望二仙窩卽

此俱同上

關雲洞在湖山壽安巖上懸厓絕壁巨石夾峙洞近荒穢人無知

者近得逸史石刻乃始知之石刻詳金石略采訪冊

鑄錢洞 太平洞 鱧魚洞 烏尾角洞 布拖嶺洞 俱在桑

浦龍坑山迤東極深處諸洞又詳輿地略山類同上

立石在西湖山腰高可二丈爲宋知軍州事王漢留題處林大川西湖記

伏虎石在金山南麓明總兵俞大猷刻銘其上銘詳金石略周志

仙人跡石在西湖山湖平石右布衣楊闡書仙蹤二字誌之采訪冊

國朝陳王綸湖山仙跡石詩鶴背仙人去不還山中遺址幾千年丹成便逐湖閒月烏化空存石上煙似我婆娑荒草地想他來往

白雲天吹笙有興凌高
頂碧海三山在眼前

鰲魚石 蟾蜍石 蜈蚣石 碁盤石 俱在西湖山

西湖記參
采訪冊

龍睡石在桑浦中離山其象似龍偃伏明季本謫揭陽主簿嘗遊

於此 采訪冊

明季本龍睡石詩龍臥離山睡欲吟石牀天巧
傍松陰他年若際風雲會起作蒼生四海霖

風動石

碁枰石

石上罽絡分明與
湖山之碁盤石同

俱在桑浦龍坑山

同上

海陽縣志

卷二十六

古蹟略一

二十五